



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avgvstini Barbosæ I. V. D. Lvsitani, Protonotarii, Et
Ivdicis Apostolici designati pro Tribunali Nunciaturæ
Hispaniæ, ac insignis Ecclesiæ Vimaransensis Thesaurarij
Maioris, Collectanea Doctorvm, Qui ...**

Barbosa, Agostinho

Venetiis, 1643

3. Quòd beneficia Ecclesiastica dignis, & residentibus conferantur.

urn:nbn:de:hbz:466:1-14108

Quòd duas Ecclesias nullus Prælatus regat.

CAPVT II.

- 1 Papa solus potest vni duos Episcopatus conferre.
 2 Episcopatus duos vnire potest solus Papa,
 3 Episcopatus vnus quando alteri vnitur quomodo functiones faciendæ.
 4 Cardinales comprehenduntur hoc decreto.

^a Sub Innoc. 3. Lateran. cap. 29. alij quinque adhuc dispensabantur.

Nemo quacumque etiam dignitate, gradu, aut præminentia præfulgens, plures Metropolitanas, seu cathedrales Ecclesias, in titulum, siue commendam, aut alio quouis nomine, ^a contra sacrorum canonum instituta, recipere, & simul retinere præsumat: cum valde felix sit ille censendus, ^a cui vniam Ecclesiam bene, ac fructuosè, & cum animarum sibi commissarum salute regere contigerit. Qui autem plures Ecclesias contra præsentis decreti tenorem nunc detinent, vna, quam maluerint, retenta, reliquas infra sex menses, si ad liberam Sedis Apostolicæ dispositionem pertineant, alias infra annum dimittere teneantur: alioquin Ecclesia ipsa, vitimò obrenta duntaxat excepta, eo ipso vacare censentur.

Vide Azor. *instit. moral. p. 2. lib. 6. c. 13. à princ. Less. de iustit. lib. 2. c. 34. num. 138.*

1. Solum Papam posse vni duos Episcopatus conferre, per cap. relato 21. *quæst. 1. Et cap. in cui 32. de elect. lib. 6. resoluunt Flamin. Patif. de confident. q. 18. num. 9. Abb. quæst. 1. colom. 3. num. 6. Card. Tusc. tom. 6. litt. P. conclus. 49. num. 18. & dispensare quòd quis obtineat duas Ecclesias Episcopales, Abb. conf. 101. Videtur primò, num. 6. lib. 2. Cardin. Tusc. d. litt. P. concl. 69. num. 26.*
2. Et solum posse duos Episcopatus vnire probant cap. *in temporis, cum seq. 16. quæst. 1. cap. sicut vnire, de excess. Prælat. & resoluunt Duaren. de benef. lib. 5. cap. 6. Reuill. in praxi benef. titul. de vnionib. à num. 22. Cened. ad Decretal. collect. 87. num. 1. Nicol. Garc. de benef. part. 1. c. 2. nu. 60. cum seqq. Valer. Reginald. in praxi fori poenit. lib. 50. traic. 3. num. 299.*
3. Quando vnus Episcopatus alteri vnitur, Episcopus in aliqua parte alterutrius residens suæ obligationi circa residentiam satisficit, dum tamen in aliqua ex suis Cathedralibus resideat temporibus à Concil. præscriptis decreto cap. 1. *vers. eosdem interim admonet. sess. 23. Synodus indicenda, & celebranda est singulis annis in quolibet Episcopatu, sed ad illam in altero ex dictis Episcopatus vnitis celebrandam nequaquam tenetur accedere clerus alterius Episcopatus. Et clerus vnus Episcopatus non solum tenetur facium oleum accipere ab Episcopo illud in alio Episcopatu conscienter, verum etiam cogi potest eidem Episcopo in huiusmodi ministerio assistere ad sacrorum canonum præ-*

scriptum; & si clericus vnus Episcopatus monitus ad recipiendum oleum sanctum in alio consecutum, in spretum sui proprii Episcopi accipiens illud ab alieno, potest ultra peccatum mortale puniri ab Episcopo. Episcopus in vno ex dictis Episcopatus existens potest per se ipsum cognoscere causas alterius ciuitatis, vel diocesis, adhibito Notario sibi bene viso tam in processibus conscribendis, quam in actis visitationis conscribendis; sed tamen debet eam habere rationem, vt id non passim, sed raro, & a qua ex causa fiat, & in arduis tantum & grauioribus negotijs, ne constitutio vnionis elidatur. Semper Episcopus existens in vno ex dictis Episcopatus inferendus, & appellandus est Episcopus illius in primo loco, & deinde alterius à quo abest; quòd si extra diocesim resideat in negotijs ad vnum pertinentibus, est illius in primo loco Episcopus denominandus. Ita Aldan. in compendio *Canonicarum resolut. lib. 2. tit. 2. nu. 3. vbi refert ita fuisse decretum in causa Castellana, & Hortana 8. Iunij 1624.*

4. Cardinales comprehenduntur in hoc decreto, cum simus in lege correctoria, & materia peccati, maximus enim abusus est, vt qui vix fructuosè vniam Ecclesiam regere potest, alteram accipere audeat, præsertim cum vnusquisque in Ecclesia sua residere teneatur, cap. 1. *sess. 23. de reformat. Ita Aldan. d. lib. 2. tit. 3. num. 2. vbi refert ita resolutum.*

^a Cui vniam Ecclesiam bene, &c. Vide Nauarr. *de orat. cap. 22. num. 22.*

Quòd beneficia Ecclesiastica dignis, & residentibus conferantur.

CAPVT III.

- 1 Inhabiles ad beneficia consequenda qui.
 2 Curati cogendi sunt ad subeundum per se ipsos, & non per substitutos ea munera ad quæ tenentur.
 3 Beneficiorum Ecclesiasticorum collatio facta indignis venit irritanda.

^a Part. 1. c. 13. c. quia non multi. de cler. non resi. b. Cap. licet Canon. de elect. in 6. decr. c. 14. c. graue nimis. de præbend. * Vide post fin. huius libri.

Inferiora beneficia Ecclesiastica, præsertim curam animarum habentia, personis dignis, & habitibus, ^a & quæ in loco residere, ac ^b per se ipsos curam ipsam exercere valeant, iuxta constitutionem Alexandri tertij, in Lateranensi, ^c quæ incipit, ^d Quia nonnulli, & aliam Gregorij X. in generali Lugdunensi Concilio, ^e quæ incipit, ^f Licet canon, editam, conferantur: ^g aliter autem, facta collatio, siue prouisio, ^h omnino irritetur, & ordinarius collator pœnas constitutionis Concilij generalis, ⁱ quæ incipit, ^k Graue nimis, se nouerit incursum.

De his, qui inhabiles de iure sunt ad beneficia consequenda, agit nouissimè Squillante *de priuileg. cleric. c. 4. per totum. & latè ego ipse de iure Ecclesiastico, lib. 3. c. 13. vbi de hæreticis, eorumque fautoribus, receptatori-*

bus, & defensoribus, excommunicatis, suspensis, interdictis personaliter irregularibus, bigamis, aleatoribus publicis, simoniacis in beneficio assequendo post priuationem, clericis male vsurpantibus bona quæcunque, vel iura Eccle-

Ecclesiarum, concubinaris in corrigibilibus, coniugatis, laicis, illiteratis, corpore vitiatis, peruersis, filijs, & nepotibus offendendum Cardinalium, & alijs. Et quoad nostrum Regnum Portugaliæ, dixi latè in tract. de Canonicis & Dignitatibus, cap. 12. à num. 48.

¶ *Et quæ in loco residere, &c.*] De residentia Episcoporum egi in tract. de officio, & potest. Episcopi, p. 3. alleg. 53. Et de residentia Parochorum tractavi de officio, & potest. Parochi, cap. 8. & de illa Canonicorum, ac Dignitatum dixi in tract. hac de re edito, c. 20.

¶ *Per se ipsos curam ipsam exercere valeant.*] Curati cogendi sunt ad subeundum per se ipsos, & non per substitutos ea munera, ad quæ tenentur; tolerandum autem ut per substitutos verbeantur in illis tantum actibus, in quibus expressis verbis canonum, decretorumve Concilij permissum eis est, ut per vicarios, coadiutores, vel substitutos possint officio suo fungi. Ita Aldan. in compend. canon. resolut. lib. 1. tit. 7. uum. 2. vbi dicit sic decimum die 3. Julij 1591.

¶ *Quæ incipit, Quia nonnulli, &c.*] Vide Steph. VVeyms ad constitutiones 24. ex antiquo iure desumptas, & per Concil. Trid. innovatas constit. 10. pag. 85. cum seqq. vbi innovari dicitur cap. quia nonnulli de cler. non resid. per decretum Concilij in præfenti, & vnum ac alterum multipliciter declaratur.

¶ *Quæ incipit, Licet canon.*] Vide Steph. VVeyms ad constitutiones 24. ex antiquo iure desumptas, & per Concil. Trid. innovatas constit. 3. pag. 23. cum seqq. vbi innovari dicitur cap. licet canon. de elect. lib. 6. per decretum Concilij

in præfenti, & vnum ac alterum multipliciter declaratur.

¶ *Aliter autem facta collatio, &c.*] Vide Fr. Emmari. 4. quæst. regul. tom. 2. q. 52. art. 5. vbi intelligit de indigno, non autem de collatione facta digno, prætermissis digniore; hanc enim non iubet Concilium irritari, refert Campan. in diuers. iuris Canon. rub. 7. cap. 6. num. 74.

¶ *Omnia irritetur.*] Vide Nauarr. in c. si quando, excepte. 18. sub num. 4. de rescript. Salzed. ad Bernard. in præf. c. 21. lit. H. in nouiss. edit. metipsum de officio, & potest. Episcopi p. 3. alleg. 63. num. 3. nouissime Steph. VVeyms d. constit. num. 7. ibi, Quas penas (dicti cap. quia nonnulli) licet synodus Trid. non repetierit, neque expresserit, dubium tamen non est quin complexa sit, & implicite comprobauerit, quando tam serio motum voluit quemcunque collatorem ordinarium se penas constitutionis generalis (id est d. cap. quia nonnulli) incursum, si personæ indignis conferat beneficium Ecclesiasticum ad suam collationem spectantem. Quinimo dicit potest hanc grauiorem penam Conclij generalis extendisse etiam ad eos, qui habilibus conferunt, dum vident eos vtrouique residere non posse: propterea quod aequaliter & coniunctim de istis, scuti de his dispositum, ac postea indistincte voluerit eos penas Conclij generalis incurere si contrauerint.

¶ *Quæ incipit, Graue nimis, &c.*] Vide Stephan. VVeyms ad constitutiones 24. ex antiquo iure desumptas, & per Concil. Trid. innovatas constit. 13. pag. 120. cum seqq. vbi innovari dicitur cap. graue nimis, de præbend. & dignit. per decretum Concilij in præfenti, & vnum ac alterum multipliciter declaratur.

Quod deinceps nullus plura incompatibilia beneficia Ecclesiastica recipiat.

C A P V T I V.

- | | |
|--|--|
| <ol style="list-style-type: none"> 1 Beneficiorum incompatibilitatem qui Doctores tractent. 2 Incompatibilitatis decretum hoc, procedit in illis, qui post Concil. Trid. recipiunt duos canonicatus. 3 Episcopus potest habenti canonicatum, aut beneficium simplex, quod ad vitam eius sufficit, parochialem Ecclesiam conferre. 4 Vacatio primi ipso iure per adoptionem secundi pacificè possessi inducit in residentiam requirentibus, aut alijs quomodocunque incompatibilibus beneficijs. 5 Præbenda dimidia vacat per assecutionem canonicatus. 6 Portio vacat ipso iure per assecutionem scholasticæ. 7 Canonicus obtinens dignitatem perdit canonicatû. 8 Dignitas retineri non potest vigore alicuius consuetudinis cum portione. 9 Capellania, cui adiunctum est onus deseruendi in choro, obtineri non potest cum canonicatu. 10 Capellanus in Ecclesia cathedrali tenetur ad residentiam stante fundatione capellæ cum onere qua- | <ol style="list-style-type: none"> rundam Missarum, & inseruendi in choro. 11 Capellania cum mansionaria an retineri possit. 12 Capellania tres sub eodem recto uniformes si quis per annum ex collatione Episcopi retinuerit, incidit in priuationem omnium ipso iure. 13 Capellania, & monasterium, quorum fructus sunt tenues, incompatibilia beneficia sunt. 14 Parochialem vnâ habens, & titulum alterius, tenetur alteram dimittere. 15 Non habet locum in duabus parochialibus, quarum altera vnita est beneficio simplici. 16 Beneficia plura vnita an possint retineri. 17 Procedit in his tantum dignitatibus, & canonicatibus, quibus à principio coniuncta fuit cura animarum. 18 Beneficia incompatibilia per viam commendæ perpetuè retineri non possunt. 19 Commendæ ad sex menses in Ecclesijs curatis fieri solite, amplius post Concil. locum non habent. 20 Circa incompatibilitatem in beneficijs quatuor tempora ante Concil. considerantur. |
|--|--|

Quicumque de cætero plura curata, aut alijs incompatibilia beneficia Ecclesiastica, & siue per viam vnionis ad vitam, si seu commendæ perpetuæ, aut alio quocunque nomine & titulo, contra formam sacrorum canonum, & præsertim constitutionis Innocentij tertij, quæ incipit: De multa, recipere, ac simul retinere præsumperit, beneficijs ipsis, iuxta ipsius constitutionis dispositionem, & ipso iure, etiam præsentis canonis vigore, priuatus existat.

1. Vide Nauar. consil. 34. in antiqu. alijs consil. 17. in nouiss. de præbend. Sayr. in floribus decis. sub eodem tit. decis. 38. Salzed. ad Bernard. in practica cap. 49. Sbroz. de vicario Episcopi lib. 1. quæst. 45. Flamin. Paris. de resignat. benef. lib. 3. quæst. 1. num. 121. cum seqq. Cardin. Tusch. lit. B. conel. 64. & 66. Azor. instit. moral. p. 2. lib. 6. cap. 13. cum seqq. Aloyf. Rice. in collect. decis. par. 3. collect. 474. & in decis. cu-

ria Archiep. Neapol. p. 4. decis. 226. Nicol. Garc. de benef. p. 11. c. 5. §. 2. num. 18. cum seqq. Prosper. de Augustino in addit. ad Quarant. in summa Bullarj. verb. beneficiorum resignatio, causa 9. Mollat. in summa Theologia moralis tract. 6. cap. 9. Monet. de commendat. vltim. volunt. cap. 12. num. 28. Armendar. in addit. ad recap. legum Nauarræ lib. 4. tit. 7. de pluralitate benef. metipsum de officio, & potest. Episcopi p. 3. alleg. 62. num. 31.

* Infra sess. 2. de reform. cap. 17. b. supra c. 2. cap. de multa, de præb. & cap. 16. in concil. Lateran. 2.